

嘉筆禾微獻錄

嘉禾徵獻錄卷十七

太常寺

郡人盛楓丹山輯

男支焯校訂

李奇玉

子松槐

奇珍

錢

琦

高祖貴四曾祖曰裕祖家父連子夢葵翁家孫應晉應善

片

萱

薇

父珍子與暎端暎孫陞鴻曾孫潤徵

嘉徵

父周子津

僕徐某

馬千乘

維銘

父千里

德澧

父維鉉子嘉柱

嘉標標子紹曾

嘉植

父德樹弟嘉積

鳴霆

兄鳴雷

陳世昌

李奇玉字君美嘉善人萬曆癸卯舉人乞恩丹徒教諭天啟壬戌登進士未廷試歸母病奉湯藥必手自調治嘗而進之躬浣衣襦不藉手僕婢母歿哀毀骨立未幾父友春亦病籲天願以身代及父歿嘔血幾死廬墓五年崇禎戊辰始廷對復乞閒改武學教授量移國子助教遷南都水主事歷南職方員外車駕郎中請急歸擢知寧國府不赴壬午起知汝寧府之官數月引疾歸奇玉淡於榮利林居讀書講學孜孜不怠甲申後憂憤卒子松字子喬崇禎癸酉舉人庚

辰進士知歙縣一歲以事累歸改名公柱國破不復  
出靜志居詩話子喬既遂初服其詩淡蕩足釋煩次

子槐鄉貢生

奇珍字四可萬厯甲午舉人戊戌進士知長樂縣

審編里役秉公無私緩催科剔宿弊崇文校士一邑

不變通志載隆武選主事尋拜兵科給事中戊午主

山東鄉試轉戶科都給事中有爭國本止開礦議營

田陳星變等疏明史稿楊鎬四路出師令李如柏出

檄如柏還遇本朝楊鶴等給事中李奇珍吳亮嗣薛鳳

大驚奔潰御史楊鶴等給事中李奇珍吳亮嗣薛鳳

翔交章請逮如柏正法奇珍連疏爭尤力帝  
念李氏悉不報但詔還候勘如柏懼自裁  
太常少卿卒 辛酉陞

錢琦字公良號東畬海鹽人本姓何高祖貴四洪武  
中坐戍都勻一兒生三日託同里錢翁養之名曰裕  
裕生寔寔生達字景孚琦父也琦弘治辛酉舉人正  
德戊辰進士知盱眙縣流賊南侵邑無城郭琦遣家  
累還浙招民為兵召父老諭以死守有偵探者執斬  
之賊知有備不敢犯遷刑部貴州司主事進江西司  
郎中武廟南巡與同官周任疏諫不報引疾歸世廟

初起南祠祭郎中出知臨江府屬邑新淦自華林賊亂後山民梗化者不悛奏析其地為峽江縣舊有引

稅例歸於守琦藉其資為募役費

江西通志有傳

坐筭屬令

調簡思南府歸置義田以贍族卒年八十一琦六子

蔘芹萱葵菴葵蔘字懋仁諸生著西泉集菴字懋毅

著擊轅集字應晉字次卿萬厯丙子舉人署邯鄲教

諭再署會稽遷長寧知縣蓬萊知州奢賊之亂死守

民全有閭閻風館餘稿菴孫千秋天啟辛酉舉人被論

革戍

朝野見聞紀畧錢牧齋諫益天啟元年于資序應典浙試而浙人與東林樹敵牧齋名在東林

所知諷其換別省不從及入闈又以鄉人皆好之命  
題益取浙人之怨遂有錢千秋事時未有發之者自  
具一簡舉疏為士子口語可駭等事大畧謂聞人言  
籍籍因召千秋至寓面詰則曰場前果有一道士一  
衙青來說合閭節事諧價三千金令其以一朝平步  
上青天為七篇結尾字其所指稱非房考副考而即  
指臣也乞行窮究以全名節疏中指天而誓其辭甚  
苦奉旨下部逮千秋遺戍此語如前而所謂道士衙  
脫逃不獲止將千秋遣戍此語如前而所謂道士衙  
齊名重凡吳中大吏無不奉其意旨并遠近問遺受  
取不貲豈為三千金為此不肖事或浙人有與之深  
讐者為此中之然七篇結字皆無之乎者也固已換  
眼且七字中又有絕不可作結者場中何以渾不之  
覺至戊辰杖卜溫園矯以浙闡關節事訟言於上誤  
謂至今未結云崇禎日鈔二年刑部尚書喬允初  
升會同三法司研鞫係徐時敏金保立二棍哄誘初  
應晉之上公車也蒞送以詩曰有賦只須身自獻莫

因狗監借輝先人謂其罵座已甚及千秋事發又惜其後人不能奉家教云哀於潛訓導子應普歸安訓導貴四之先塋在邑境久蕪廢人呼為何長官墓一夕忽發光怪羣鶴巢其樹巔明年琦登科自是貴顯相接云

芹字懋文嘉靖壬午舉人戊戌進士授刑部主事歷本部員外郎郎中出知肇慶府丁父憂補永州府脫畧細故庭無鞭朴之聲人謂其太寬芹曰牧民猶牧羊也去其敗羣足矣引年歸年七十卒芹宅心坦



夷一以至誠待人為所賣終不易居家值穆廟新政  
上言正始當懋聖學次及海防事宜又言鹽邑每年  
例貢黃魚宜罷優詔許之

萱字懋孝嘉靖戊子順天舉人不第游南雍祭酒  
林文俊禮書湛若水亟稱之乙未成進士為刑部湖  
廣司主事以母喪歸服除起祠祭遷儀制員外甲辰  
提調會試舉子其試卷違式萱判不得謄監試御史  
力持之竟中式言官以聞御史及舉子俱譴廢萱以  
判故免及京察吏部謂萱順御史指亦黜德慶州同

知量移寧國府通判以櫻瘡瘠卒

徽字懋垣號海若琦兄珍之子珍禱紫薇山生焉  
因以名嘉靖乙酉舉於鄉壬辰登進士從湛若水游  
時及門皆堅守師說徽獨以意立論不隨衆唯阿若  
水不以為悖授行人尋擢禮科給事中請令將帥家  
丁得自耕塞下田勿徵其賦總督大臣假便宜專制  
閩外格不行又疏劾大學士李時禮部尚書夏言工  
部尚書溫仁和外戚蔣輪剴切不顧忌諱救查湖廣  
廣西錢糧窮邊僻壤他使所不至者皆就閔之靖州

千戶頑獷弗率約束簡其尤者四人寘之法進右給事中翊國公郭勛請復鎮守內官擅易置宿衛將校薇疏其不法七事上眷勛厚然素知其橫兩不問未幾復諫南巡奪俸內閣選宮僚多徇私為給事中周琬劾罷薇偕同官呂應祥任萬里上言禮有云凡三王教世子必選天下端人正士孝弟博聞有道術者輔之昔成祖論宮僚以胡廣楊士奇二人為不忝而仁宗擇東宮講讀尚書蹇義等僅舉儀智一人宣宗以兵部尚書張本兼太子賓客英宗聘布衣吳與弼

為春坊諭德此諸臣者考其出身或以歲貢或以學  
官或自守令或從田畝蓋惟期在得人故未嘗限於  
所擇亦不必沾沾備官也今宮僚方補論劾紛至陸  
下復敕吏部選補萬一再選之後衆心難服甲可乙  
否仍至人言傳播四方有礙觀聽且琬等所論行賄  
昭然各有指實以賄進者寧復顧廉恥惜名節輔臣  
以賄進人不顧國本大負聖恩此非細故伏願首斥  
貪輔以肅人心然後集內閣九卿公舉孝弟博聞實  
行顯著者疏名上請不報又以星變上疏曰皇上回

鑒自楚躬告九廟臣伏候承天門下仰見上天有星  
如帚光掃內垣中宮軒轅之次占者皆云災變非細  
臣備員諫垣職在論救謹述四事仰佐消弭一曰停  
巡幸邇者陛下遠幸承天固以顯陵所在孝思難已  
勞費不貲出入宜慎如衛輝之行宮失火襄江之  
御舟忽散非所以怡神遠危也願停車轍以回天心  
二曰罷方士陛下踐祚以來邵元節一道士耳尊為  
顯官名器已濫今元節死復寵陶仲文以高士之號  
畫符徧於宮禁又聞大學士夏言左都御史王廷相

禮部尚書嚴嵩行在朝參皆冠符於帽君相一心廢  
聖賢之教而崇左道星變何為而弭三日遠奸佞御  
史胡守中平時貪財納賄賊私盈萬今以奔走微勞  
左右為之交薦傳奉明旨遽列憲職河南按察副使  
劉隅始自永平知府擢憲河南未及一年以逢迎守  
中為之延譽遂入陛下之耳超擢河南按察使今又  
不顧公議薦為真定巡撫投功名之會者莫不願為  
劉隅以希錄用呼朋引類蟻附守中剥民膏血曾不  
知恤寧不上動星象四曰寬小過陛下南巡凡直隸

河南湖廣守土之官皆受恩於朝分職於境孰不願  
效奉迎之心但翠華莅止人情震疊或因精力不前  
或因智識不足致失事機中間邵錫等清白素著驟  
行提問何由自新天度高明倘賜赦宥和平之氣既  
騰星變不足弭矣疏未入謂其僕曰上方事玄祈佑  
所忌者災害我疏上不死即竄以數金付汝死即買  
棺以殮命下得免死編管已而放歸與士子閉關論  
學區其居曰從吾所好明世說新語錢海若薇性耿  
介或勸之少賤以求進公曰  
不屈次山之服不折陶癸丑甲寅間倭寇橫熾請於  
潛之腰吾巖穴焉足矣

巡撫王忬集兵為備鄉人德之部院臺諫交章論薦

皆報寢穆廟初下詔起廢而徵已卒

楊國備忘錄錢太常賢大夫也

其學問工夫則白沙甘泉一種不涉姚江派

贈太常

若其持身謹飭居官居鄉俱有不可及處少卿救有司為建特祠顏曰顯忠著承啟堂集國朝

名臣事實備邊策河套議海防畧海若聞草學錄樂

律諸雜說藏於家

明史稿有傳

子與暎字德卿嘉靖甲子

順天中式

兩浙名賢錄稱其三上公車不售輒吐棄不往豫為壽藏於永安湖招所知沈嘉則

吳少君輩酣飲賦詩以樂其志好施予家禁庖宰有餽生魚者輒受而放之世居壽門里有錢氏放生處

與暎子陞字西乘萬曆戊午應天舉人子鴻字羽可



崇禎丙子副榜晚隱壺溪里人私謚曰貞毅先生著  
觀省篇撫松集薇少子端暎字墨卿事兄與暎極恭  
為諸生嘗應鄉試發策失當題詩席舍而出同邑姚  
士舜為作儒隱先生傳嗣孫潤徵崇禎己卯舉人國  
破築蒿園自為生壙將卒作自省歌投筆而逝與暎  
孫嘉徵

嘉徵字孺賓

一字孚于

父周字元鼎文華殿中書嘉徵

少好豪舉以天啟辛酉乙榜肄業成均值魏忠賢亂  
政目擊奸狀崇禎初元上書數忠賢十大罪一曰並

帝二曰茂后三曰弄兵四曰無君五曰剋剥六曰無

聖七曰濫爵八曰掩邊功九曰股民膏十曰通關節

旨下雖未罪忠賢亦無責嘉徵意先撥志始奉旨魏

有獨斷青矜書生不諳規矩本應重處姑寬這遭嘉

徵投疏時通政司力拒不收嘉徵欲擊登聞鼓申奏

並欲參通政呂圖南乃為封進疏入內閣擬嚴旨以

進及旨下甚和舉朝咸知聖意有在逆賢輩始惶懼

不自忠賢死嘉徵遂歸循資授松溪知縣崇禎日鈔

安矣吏部為嚴覈副榜事覆禮部尚書黃汝良等題副榜

不遇覃恩原屬虛名無用惟辛酉丁卯皆值隆恩監

准貢貢准優選今失卷者既悉裁汰有卷者復分上

中下三等上卷十二名應照例廷試辛酉科順天姜

麟唐元弼嚴留臺建擢山東道御史唐藩就拜御史

文煥錢嘉徵

尋改知福州府城陷出走僕徐某者章服而縊於署  
游兵入見之羅拜嘉徵得脫浮海歸有松龕剩稿靜  
居詩話孚于以秋試留國門上書論魏忠賢十大罪  
自漢東京宋南渡諸太學生後久無此風節矣或勸  
其勿上孚于慷慨言曰虎狼食人徒手亦當搏之舉  
朝不言而草莽言之以為忠臣義士之倡雖死何憾  
自是言者相繼而起元子泮字雍頌崇禎丙子舉人  
惡乃除信豪傑之士也子泮字雍頌崇禎丙子舉人  
馬千乘字國良平湖人嘉靖戊午舉人隆慶戊辰進  
士知分宜縣庚午充本省同考得士湯顯祖入為南  
武庫主事歷車駕員外郎郎中遷廣東僉事所屬羅  
傍山洪流深塹為盜賊嘯聚會兵勦平之優詔賜金

調四川左叅議引疾起湖廣僉事遷廣東左叅議就  
陞本省副使秩滿歸兄子維銘

維銘字新甫號洪衢父千里諸生維銘萬厯己卯

舉人庚辰進士知太平縣攤畝稅以輕正額又請豁

黃山虛糧政號簡易寧國府志有傳入為職方主事出督山

海關中計歸焚餘稿職方以壬辰察處歸田頗事營

賞名曰牧圃環圃多空舍太湖濱疊石引流雅堪游

劇盜匿蹟馬未幾敗園亦尋廢無子以兄子德澧嗣  
德澧字以容號淡真父維鉉字鼎甫保安訓導德

澧中萬厯甲午本省鄉試丁未成進士乞間改寧國

府教授轉國子助教遷刑部主事歷本部員外郎郎  
中張差事起神廟御慈寧宮召羣臣面諭御史劉光  
復以陛呼觸上怒下詔獄欲坐重辟德澧據奏對失  
序律擬杖上謂曲庇光復降級調外補山東運判留  
京邸者四年歸卒於行光廟立子嘉柱陳父寃贈太  
常少卿蔭一子焚餘稿訾其在仕途刻意沽名積貲至三萬餘金不償嘉柱以  
任官刑部照磨遷光祿署正歷刑部江西司主事進  
員外郎嘉柱弟嘉標子紹曾

嘉植字培原父德澍德澧弟諸生嘉植天啟丁卯

舉人崇禎甲戌進士知武進縣江南通志邑賦繁重

議變為圖收任輕而役均漕兄旗丁之害尤劇嘉植

邀索無已植痛抑之至鼓噪不為動己卯充應天同

考行取吏科給事中三垣筆記壬午考選各官內傳

臣亦有几抗坐旁人有名冊先令內臣傳策題御書

也已有次跪對名字有圈點者有書所對語數於名

旁者有駁者就中知縣馬嘉植金汝礪數對工雅又

云大僚及臺諫以救卜構競其不得與會推者造為

二十四氣之目搖惑中外孫承澤文淵事畧二十

四氣蔡弄琛所撰託其鄉人官錦衣者徧貼皇城內

外桐城諸生蔣臣請行鈔以裕經費嘉植疏爭之効

陳新甲下獄論閣臣張四知庸劣充位甲申南臺建

轉工科右給事中任事兩月調吏科左給事中明季遺聞

吏科馬嘉植疏陳立國本事一改葬梓宮一迎養國  
母一訪求東宮二王一祭告燕山陵寢末言今日在  
君父力自貶損尊養原非樂受在臣子痛加悔艾富  
貴豈所相期茅茨雖陋可勿翦也有以勞人費財導  
者勿聽經武以外可棄節也督餉江西福建以與馬  
有以處優宴行進者勿聽

士英不合出為廣東嶺西道副使謝病歸國破為頭

陀自號鍊雪道人名行旦

烈皇小識鄭鄮下獄衛帥吳孟明謂按律忤逆惟父

母告乃坐今鄮父母皆亡其事又遠在數十年之前不可究竟烏程乃以特授科道為餌於是同里中書許燦應募上疏證其杖母并姦妹姦媳等嚴旨切責孟明革任回籍獄具遂磔鄮於市孟明譴後上言鄭鄮一事世遠人亡皇上必欲置重典以風示天下近常州有錢霖父子戕殺遠近駭聞許燦何舍目前而追既往有旨逮錢霖同其子錢尚賓赴審尚賓以祖春尚書養官應天府通判霖係庚午舉人第一侍女

遂刺其父中腋業已重賄求和而刀痕難掩逮至中途寓宿半夜縱火燬一屍灰燼中以尚賓被焚入告武進知縣馬嘉植以入覲行知府陳瑄申結尚賓竟逃入太湖中嘉植物色得之申解撫按轉解法司尚賓決不待時錢霖弟嘉植崇禎己卯舉人國破為頭遺戍陳瑄為民

陀更方外名曰弘任丁乘族人鳴霆

鳴霆字仲臺兄鳴雷字伯臺江陰訓導申申挂冠歸兵入城獨坐中堂不屈死鳴霆萬曆癸卯舉人癸丑進士知閩縣輔臣葉向高家奴不法杖之投効改紹興府教授遷南國子博士歷南刑部山西司主事廣東司員外山東司郎中本部無志書歷事貢生欽



縣江山麗請修之鳴寔為編校成書凡二十六卷出  
知邵武府丁憂補潮州就遷廣東副使降湖廣僉事  
轉河南叅議進副使闖賊圍信陽鳴寔治火器嚴備  
之拒守十餘日賊退遷山東叅政左調常鎮分守叅  
議進尚寶卿乞假歸卒

陳世昌字彥博晚號西湖真拙本錢唐人力學能文  
元至正初由布衣薦入為翰林院編修奉敕代祀海  
上道梗不能還朝遂寓嘉興張士誠據平江屢招致  
之不屈吳四年八月徵入修禮書署國子典簿改太

常博士尋以母老辭歸後復徵至京師未授官而卒  
所著有希言集一卷一作希賢見兩浙名賢錄

嘉禾徵獻錄卷十八

太僕寺

郡人盛楓丹山輯

男支焯校訂

張

敏

曾祖景福 祖禧 父正

淮

父璵子可大可久可仕 仕子兆鶴

屠元沐

祖鵬

存仁

馮俊

汝弼

敏功

子伯禮

洪業

洪孜

祖敏效父伯禮

譚昌言

高祖諫 子貞和

貞易 貞石

貞默

貞良

顧際明

父態 子朝衡

朝樞

朝正

李日華

子肇亨 子新枝

呂聲父恒

沈貴長女贅呂次女適祝

張敏一作敏位字時勉本海鹽人曾祖景福開封府檢校從征雲南戍大理家焉祖禧黔國公沐英奏授國子博士教功臣子弟父正字中立景泰丙子雲南鄉試第一成化丙戌進士歷南戶部郎中建寧知府致仕仍歸海鹽敏成化癸卯雲南中式知蘭州州民散處村落城中惟藩府軍衛人輕長官數患苦百姓敏一切繩之以法又善摘人隱伏獄無冤者調西安府同知陞知馬湖府時劉瑾亂政流賊煽動川北起保寧

之通江川東起夔州之東鄉賊劉烈藍廷瑞鄧本恕  
廖惠最著川南起重慶之南川賊方四曹甫一日最  
著廖賊先熾先滅其黨廖麻子逸出與南川合喻思  
訓等從之廷瑞惠欲據保寧自固本恕等欲據漢中  
巡撫林俊督獬狔敗廷瑞等於龍灘河敏與知府何  
珊追至門鎮子惠被擒廷瑞逸去俊上其功擢綿州  
兵備副使弘治甲寅七月敏與總兵楊宏王憲副使  
馬昊何珊都司李蔭等合擊賊於營山蓬州等處俘  
斬千三百餘人賊勢窮蹙制府遣人分詣賊營撫諭

之敏遂單騎入甫營甫聽命赴軍門面受約束仍還  
營撫散餘黨廖麻子不從且憤甫背己殺之遂拘留  
敏會敏繼子淮單騎入賊中將劫敏出未得間敏令  
歸報監司速進兵賊度無如敏何乃送敏出甫黨解  
散者幾二萬人乙卯正月廖賊偽聽招撫都御史高  
崇熙信之遣敏等於開縣臨江市買田宅安置賜復  
三年上其事於朝將從之總制彭澤下體察真偽命  
未至而賊懼遂執敏乃逮崇熙敏等革冠帶戴罪殺  
賊事平轉山西叅政以太僕卿致仕

兩浙名賢錄彭  
比部檇李名士

傳明史槩大弟敷成化丙午雲南經魁弘治癸丑進  
事記俱載士刑部主事

淮字東匯父瑛生淮於大理敏往省墓竒之遂以  
為子少倜儻有大畧正德中單騎入賊中救敏數戰  
江門斬獲甚衆別從延綏叅將張鳳征倒塔兒柏塘  
店苦水墩等處斬首先登內閣楊一清行邊奏授嘉  
興所正千戶進蘇州衛指揮同知子可大襲千戶可  
大卒無子弟可久嗣可久卒無子弟可仕嗣可仕字  
龍橋以守京城功進指揮僉事卒子兆鶴嗣

屠元沐字沂春嘉興人祖鵬祁陽典史元沐嘉靖壬

子舉人乙丑進士歷營繕主事屯田員外虞衡郎中

督儀真張秋河道

傅澤洪行水金鑑高郵西隄決清

暨接管郎中陳

陞山東叅政赴官屏去鼓吹不以導

從自隨轉廣西按察使士民攀轅泣送至粵益勵清  
節進本省右布政乞休加太僕卿家居日特詔有司  
具禮存問卒年九十餘從孫存仁

存仁字念慈號華胥萬曆庚子舉人乞恩南平教

諭天啟壬戌登進士知黟縣以廉謹聞

江南通志稱其政簡刑清



去官惟敝  
衣兩篋

坐不及左遷寧國府教授丁卯充四川同  
考陞國子助教崇禎己巳上臨雍賜綵段表裏遷都  
水主事都城告警救守永定門陞本司員外出督淮  
徐中河身行水草中相視高下規畫經費通漕艘護  
寢園頗有成績總河侍郎朱光祚漕撫李待問交薦  
之癸酉春河流淺涸漕艘阻滯存仁議開駱馬湖格  
不行運期誤上以非存仁罪僅解職壬午春奉旨起  
用未赴卒

馮俊字世英平湖人成化癸卯順天中式乞恩垣曲

教諭邑鮮知學俊為句授字解捐俸資給之垣曲志有傳

歷休寧館陶擢知獲嘉縣調遂平邑故無城流寇劉六等四出剽掠俊匿毋妻山中身率丁壯畫地而守事平乞歸子汝弼

汝弼字惟良號祐山嘉靖辛卯舉人壬辰進士先自著雜說士之急功名者往往惑星命予獨不謂然曰卜之文章而已嘉靖辛卯省試畢王柘湖問予曰今科誰當余曰余與君及俞禮卿趙子相沈子完余一清六人及出榜僅遺一清耳是年沈子完病不會試余四人連第乙未兩泉兄問今科吾縣當何人余曰沈子完孫斯立開榜果然後一清亦中甲辰進士卜之文章其命好授行人擢工科給事中劾巨八九文章好即是命

璫張時乾沒時等下獄又劾家宰汪鉉怙寵不法廷

杖幾死鉉亦斥汝弼貶潛山丞以文學造就諸生潛

人德之見潛山志轉知常熟築華蕩等閘立法均田減耗

數萬見常熟志調簡餘千遷知太倉州部使出督逋稅既

去置勿徵陞揚州府同知未之官以前逋論調歸居

家贍宗族賑飢掩骸築漢塘五十四里塘堰五十餘

所倭寇海上汝弼先建言築城城完而寇至得無恙

年七十九卒於家兩浙名賢錄有傳著祐山文集十卷雜說嘉靖

乙未余在工科汪榮和為家宰科道交章彈劾汪辭

山應埃為翰林侍讀謂余曰昨上置公本於几上連看數次怒形於色急召二老李遠菴時費鰲湖宏曰如何不與我處二老曰臣等待他自陳上連呼曰他肯自陳汪不自陳禍且不測君自是名重天下矣翌日旨下汪罷去余等科道受杖死者二人子敏功蔡宗愷曾耕余及翁溥等八人俱謫外

敏功字元卿號小山嘉靖乙卯舉人壬戌進士授

祠祭主事進主客員外穆廟立齋詔出道遷郎中還擢江西右叅議分守南九道行部至南豐時以倭寇調兵援浙既而撤還餉匱大掠敏功乃料倉粟及存庫銀給之而陰遣精兵尾其行不敢復掠時方議均田部中皆山田肥瘠不一乃履畝而稅之

見聞雜紀鄉同年馮

小山敏功余令淦已作江右少叅移書曰凡初入仕不可有立異心不可有好名心纔好名便要立異纔立異不久便要破敗惟平易二字終身可行余佩服之

漕河甫至而河決睢寧自白浪淺入至青陽睢寧之陸匪為湖漕口而上故河百餘里淤泥半之漕舟阻者數千漂廬舍人畜無算調民夫晝夜并作分功任難決始塞無何風雨水漲諸塞盡潰河與湖一奔決邳州敏功適按部邳木石薪槵一時俱下水遂巡止月餘復漲敗閘家口以西半戈山左右隄百餘丈又築之自是隄土堅不受侵啣矣會徐州靈璧諸州縣

舊隄潰又築之又與監司曹郎合治直河以下南岸  
千丈又自茶城踰華戚山築單隄一百六十里以遙  
衛漕河之間諸經畫板築與護視斥堠約束最精核  
敏功體素豐碩時頓鰲脊見者幾不識未幾遷河南  
左叅政民不忍忘祠於學又祠於南城樓時欲從泃  
口穿葛墟徵赤良城等山抵南北大湖中界兩長隄  
為運道議且屬之敏功敏功念諸山道約百餘里多  
磐石礪砂不易鑿大湖相連不易隄持不可乃已別  
欲繇海通膠河其視漕稍徑而中皆高嶺巨石東土

瘠而人疲不勝役甫舉事驚潰者再矣乃移敏功山  
東叅政敏功議以膠工不易興且不易竟即竟亦終  
塞縣官不乏金錢奈何以填無用堅不可遂他屬費

十三萬金卒無尺寸利乃用廷議罷之錢謙益初學

宗沐之議曰唐都秦右據岷涼左通陝渭有險則天  
寶興元乘其便無水則會昌大中受其貧宋都梁則背  
負大河面接淮泗有水則景德元祐享其全無險則  
宣和靖康受其病國家都燕北有居庸醫巫閭以為  
城南有大海以為池天造地設山環水衛而自塞其  
利者何也都燕之受海猶憑左臂從腋下取物也置  
海漕而專力於河一夫大呼萬櫓皆停腰脊咽喉之  
譬先臣邱濬之諄復者不可不慮也富人之家宅也  
旁啟門焉中堂有客有可自旁入也夏河之梗而又  
難於通海則計將安出哉宗沐之論奏有三曰天下

大勢曰都燕專勢曰目前急勢此三勢者如弈有全局變局皆在一局之中今日之急勢即專勢也今日之專勢即大勢也善弈者取勢之敏功仍歸治徐引所急而善救之則全局在其中矣敏功仍歸治徐引疾致仕久之巡按張佳胤以邊才薦起山東漕運叅政邵伯寶應高郵三湖相連為巨浸漕舟過者多漂溺因議濬內河通之都御史王廷瞻上疏得請屬敏功董其役敏功於河事故心通而役者習其能工以大集敏功益不愛精力水陸奔走凡七晝夜不休遂病臨卒且曰內河成於國計甚利第太逼湖當別創隄衛之卒後以寶應河功贈太僕卿

見行水金鑑兩浙名賢錄有



傳子伯禮更名禩萬厯丁酉順天副榜

洪業字茂遠萬厯乙卯舉人父伯禮客死徒跣奔喪家失火母棲居負出烈焰中鬚髮俱焦性不樂仕而慕昇舉謂神仙可學而至別業一區為汝弼所築花木水石亭館甲一郡洪業增修之屏居其中四面皆水為浮梁以通往來無事撒去貴客至欲見之疾呼不一應邑學宮圯出千金繕治又買良田千畝贍族年七十八卒著易義六卷

洪孜字訥士祖敏効敏功弟也父伯禔字欽仲萬

歷丙午應天舉人著虛舟蓬門諸稿焚餘稿吾兩人  
知劉抑亭方初菴兩先生欽仲文高萬奇崛鉅穎四  
射至深清逸韻余弗敢讓焉迨乙酉欽仲斷指和羹  
延母氏重絕之息已復抗疏辭廩士論高之南游登  
木末亭慨然慕方希直之為人著木末亭稿屬余序  
余甲申遭家難欽仲鼓同調數十輩白我於當道當  
道雖弗省欽仲不啻身嘗焉壬寅欽仲忤當道當道  
震怒亦巨則余方為解當道示風指屬以百金為  
余壽欽仲嚙爾韞嘗余余直揮之而直認之竟解其  
厄自丙午欽仲發南關乙卯甲子又洪攷天啟甲子  
子姪聯翩聲勢赫弈余乃引分自遠洪攷天啟甲子  
舉人崇禎庚辰進士知繁昌縣多惠政重修邑志卒  
於官

繁昌志  
有傳

譚昌言字聖俞號凡同嘉興人高祖諫字海遺正德

間鄉貢任南光祿署正

兩浙名賢錄稱其謁選時選曹郎諫門下士也欲授判泉

州力辭之自調散局自公之暇手不釋卷

四方從游者戶屢常滿卒於官貧無以殮有海遺集

一卷

址行畧云禾城中解隙地獨公墓

昌言萬厯甲午

鄉試第一時年二十四闈中首藝流誦海內辛丑成

進士知常熟縣英敏慈祥視民如子平徭役却羨耗

禁無賴以販鹽為業調婺源邑人於虞山劒門之崖

鐫去思二字以志德

常熟志有傳

婺源故有金竺坦徑阻於

荊棘行者多取道芙蓉嶺險踰蜀棧乃闢新嶺以便

商旅遠近咸悅建祠山巔因號譚公嶺校刻朱子遺

書課士子誦習丁憂起補樂城歲稔民多為盜乃編給官牛躬督墾闢鑿井溉之陸稼書先生年譜閱樂城志見吾郡譚公於萬歷間為令捐俸助民穿井一百眼百姓世食其利署趙州值踐更減中官子弟及貲郎之免戶諸縣行錢不一條上畫一之法又畿縣乏水請於憲司徧為鑿井如樂城不數年民享其利遷南職方主事歷車駕員外郎郎中福藩之國需馬快船五百艘南船待修艙畢赴通灣水涸冰堅必不能及乃建議檄止通灣船勿動遣官就彼修艙計往返工費畧相當而旬月報完王舟遂如期發改

北撫順失守力陳四路并發之非後果敗衄戊午典

廣西鄉試還出督福建學政杜絕請託試卷不假手

一人皆自點定鬚髮盡白

明詩綜嘉興譚昌言為福建提學人有投私書者槩

不發試竣題數行裏原書復之閩人謠云來一書去兩封以為不信視郵筒

廣寧陷以邊

才轉山東登萊副使督餉監援遼軍淮兵奉調在登

萊者以乏餉譁抗議曰登城斗大而聚卒四萬月費

帑金一萬五千軍無現糧旦暮變起必無登萊矣況

出海接遼未有的期姑分班更替一月間客兵去者

過半復請於朝以登萊海水淺輕舟不能載騎無兵

患二郡不必屯江淮兵空糜軍實如其言無繼調者  
濰縣令與遼將李性中有隙兵民阻閼令誣遼兵為  
叛東撫倉皇入告檄登兵會勦昌言大言曰遼將我  
將遼民我民誰敢言發兵者身入遼營持性中手諭  
以忠義禍福令傳箭諭濰營將士皆感泣聽命航海  
遼民數十萬來歸條安撫事宜俾各得所蓮妖據鄒  
滕二縣部發新練馬兵五千救之事平賜金進秩島  
帥毛文龍以瘡藥飲遼民指為俘而獻之知其詭置  
之密室飼以飲食旬日能言吐實盡編為曲宸海外俘

級日多交關逆閹魏忠賢覬覦封爵昌言堅持之弗  
為勘覆又朝鮮李綜弒其主介文龍攜重賂請封故  
事使舟從登上昌言以弒賊不討而封之損國威不  
令登岸乃假道天津入文龍益銜之於是偕進勦名  
索餉二十萬挾璫燄令汰登兵那其餉以給昌言曰  
餉可卒那兵不可卒汰一月中足其數予之登無汰  
兵之擾文龍尋構旨得舉刺文吏昌言具揭力爭會  
御史魏先緒給事中魏大中亦交劾之乃造蜚語中  
所屬司餉同知程棟緹騎突至械棟去昌言不勝憤

嘔血卒子貞默見後貞和字閔仲以例入南雍中乙  
榜昌言以死勤事未蒙優卹崇禎改元貞和上書陳  
情獲贈太僕卿貞易諸生貞良見後貞石字石孺天  
啟改元辛酉舉人

貞默字梁生號掃菴天啟甲子順天中式崇禎改

元戊辰進士任營繕主事調虞衡督益甲廠辛未乞

假歸被論

崇禎日鈔五年八月大雨壞慶陵皇貴妃  
隧道裂縫監督主事譚貞默降一級補用

起大理寺副尋復原職貞默博學工文章通籍後率

杜門著書旁通禪理有見聖編一百卷以論語大學  
中庸為孔經習學庸



皆子思所作也孟  
子七篇為孟經  
韻史蒐詮閱代新詩雕蟲及詩集  
國初徵為國子司業以老疾辭年七十七卒於家

貞良字元孩號築岩時江左以文社相雄有虞山

婁東金沙雲間西泠之目貞良弱冠即著聲社籍崇

禎壬午以五經應試舉順天癸未復以五經成進士

廷對二甲一名

鈕琇觚賸崇禎癸未一榜結有明一

則南豐湯紹中子來賀庚辰進士壬午紹中鄉薦來

賀以揚州司理分校南閩所取徐徵麟與紹中同登

榜而門生乃為年伯父子同科則常熟王曰俞丁卯

孝廉六上春官至是與子澧皆捷而榜中復有一王

曰俞陽城人兄弟同科則全椒吳國鼎國龍並為詩

魁四代進士則武進吳剛思而剛思母丁氏乃觀察

卷六

亮之膝三子並貴柔思壬戌進士簡思辛未進士五  
經中式則嘉興譚貞良慈谿馮元鵬仕本朝者五相  
陳名夏張端成克鞏杜立德梁清標六尚書王崇簡  
張玄錫胡統虞白肩謙姚文然朱鼎延後人繼起者  
狀元歸允肅榜眼李仙根吳昌探花張豫章傳臚吳  
震方會元宮夢仁解元何龍文其外甲乙榜百餘人  
皆前科故事二甲第一人不選庶吉士則授儀曹吏  
部勒之需次逾年闖賊破京師徒步南奔兩越月達  
金陵南臺建除精膳主事尋議改吏曹辭出典廣東  
鄉試至里門南都不守與嘉湖兵備吳克孝計城守  
克孝遁去乃挈家浮海達金嶺魯藩國承制除福  
建道御史改戶科給事中又改兵科監王朝先胡永

貴張名振李唐禧四鎮軍論戰守與閣臣田仰爭以  
笏批之仰馬士英戚也遂乞休不允建策請援於閩  
陞兵科左給事中加太常卿以往盡室泛大洋七晝  
夜抵福寧州境聞浙東陷閩人無固志將往南粵次  
泉州遇潰兵室家散走復聚於同安欲從平和間道  
下梅子硿翳薈中為持刀者所擊僵有頃甦裏創行  
老儒張念雪哀之留居半月平和舉人賴燧昌言督  
學時所拔士迎入武功山丁亥同年進士史起明為  
漳南副使招之不應戊子漳泉亂避之佛潭疾作漳

浦諸生楊學臯聚兵守梅月寨解兵柄以讓請力疾

視師而自率精兵三千為導行至瑄溪疾大作遂卒

携李往哲義士朱森朱英捐千金歸其喪靜志居詩話先生書

續編有傳破萬卷以五經成進士重繭山著捐石居遺稿經義

海正命不渝大節皎然一世著捐石居遺稿考譚

氏貞儀禮名物考八卷佚按儀禮雖存治舉子業者

不講譚公欲便學者誦習詮其名物物度數立意甚

厚惜也避地漳州之瑄溪

失於寇亦古經之不幸也

顧際明字良甫號海陽嘉善人父態字汝美涇縣訓

導態性至孝父娶妾生二子鍾愛之態每歲束脩悉

以奉父庚子春館於張氏赴館日張康知其孝行

即具一歲束脩送之曰今日之銀公翁未知適有田

欲售買之秋成可得租若干態曰是為幾石米易夙

卒持以獻其父心欺吾父也不可際明萬厯戊子舉人己丑進士選

庶吉士改御史乞養歸起河南道上言播首揚應龍

必叛已而應龍果反巡按廣西還上以交爭國本遷

怒臺省假他事謫三十餘人際明亦調外明史稿東

誠失帝意識家奴錦衣副千戶霍文炳當遷廠太監張

道事部臣先已奏請而帝欲尋端罪言官遂以兩京科

三月遷太僕少卿引疾致仕際明晚惑羣妾嫡長子

朝衡失愛與少子朝正相怨懟際明怒訟之有司邑

令林先春察其冤縱之逸至京師以能文見知朝貴

朝正益怒日夜譖之際明遂上書訟其不孝論死人

稱其冤次子朝樞天啟辛酉應天舉人朝樞子耿臣

順治甲午舉人戊戌進士

李日華字君實號九疑嘉興人年十歲彗星見詔求

直言即擬作應詔疏指斥時相萬厯辛卯舉於鄉歲

漫筆萬厯辛卯浙江主考為李公廷機同考杭州推

官吳炯呈卷時辭色不遜李公怒索其房落卷親閱

遂摘一奇卷批中吳曉爭駁且欲束卷出場李不

顧命署別房中第六十四名拆卷寧波府學生陳恪

也先是初場畢都臺常公索堪中魁元卷於學道李

公同芳學道取二卷上呈其一即陳恪使吳不忤主

考則落卷何由見賞而學道之擬送亦減色矣又嘉

興李日華初場已抹壞因中式中論不堪刻程特拔

其論竄數語刻之錄中寘第九十名榜末  
觀陳李二君之得雋場中信有天命也 壬辰登進

士除九江府推官以廉敏稱署瑞昌縣事邑苦馬價

繁重具請得每歲攤減銀三百兩江西通志有傳監司有銜

之者謫汝州同知紫桃軒雜綴予在九江有悍男子

廷秀鳴金揭竿以白余枉又偕郡父老四十餘輩涉

斷湖謁憲臺訟冤回值月黑夜風雨驟作船不得泊

飄搖欲覆一老父劉姓倡眾踰祝曰吾輩非犯險覓

利及結訟構爭以廉官被汚往省謁告於上神豈忍

魚腹我乎祝畢帆檣有火如流星詔轉西華知縣邑

瀕河有浪善口及王家口等處衝決之害立隄防禦

之丁毋憂服闋不補侍養者十二年稍遷南儀制主

事再疏乞終養歸父歿廬墓三年煮廟初起精膳主  
事與修神廟實錄陞尚寶丞即齋敕營黔國公葬崇  
禎改元始復命陳言稱旨陞太僕少卿差往薊遼撫  
賞將士竣事還里遂不復出著恬致堂集靜志居詩話太僕恬  
淡自持居官日淺優游田里以法書名畫自娛家近  
春波橋為吳仲圭舊里暇寫墨竹兼擅雲山其詩非  
選非唐別裁風格頗與王辰玉陳薊旋錄六研齋筆  
仲醇同流微尚纖豔近家宴集語薊旋錄六研齋筆  
記紫桃軒雜綴行於世經義考有大日華難進易退  
和易安雅後先家食二十餘年能書畫善賞鑒一時  
士夫好古博物者祥符王惟儉華亭董其昌為最日



華書畫亞於董博雅亞於王而微兼二人之長明史稿附

王惟儉傳子肇亨字會嘉鄉貢畫入逸品有寫山樓率圃

夢餘諸草靜志居詩話吾鄉解岩壑之勝然園亭之

如而不倦萬歷以來永平日久士大夫留意圖書討

論歲弄以文會友對酒當歌駕社之集譚梁生偕會

嘉和之先後賦詩者三十三人事未百年而閭閻故

老已莫能舉其姓氏王孟錦席之地皆化為宿草荒

煙惟李氏寫山一樓尚未散飛粉落宛肇亨子新枝

然靈光之在魯錄珂雪之作不禁慨然

崇禎壬午舉人

沈貴字廷臣崇德人永樂庚子舉人宣德中知汝州

編民戶等級以均差役循行田里教民樹藝作陂堰

興學校嘗延耆舊以訪政治考滿當遷汝人乞留乃

加秩莅任在州十二年卒於官汝人立祠祀焉通河南

汝州志俱有傳鄉人稱之曰琴鶴先生無子二女長贅呂恒

子聲為壻遂以為子次適同邑祝繼祖繼祖入貲為

國子生授大寧衛經歷捐家財築城濬池有詔賜旌

呂聲字廷和其先桐廬人父恒唐府醫正聞沈貴好

學能文章遣聲就學於汝聲亦好學貴遂贅之為壻

因附籍崇德景泰庚午中式復姓呂甲戌登進士知

進賢縣務興利除弊重建學宮天順辛巳邑民大疫

禱於神請以身代疫竟止任滿民相率詣臺懇留得  
請復任歷十有三載遷太僕丞引疾歸所居負郭里  
中火延及門閭而滅旁舍皆燼人以為盛德所感

嘉禾徵獻錄卷十九

光祿寺

郡人盛楓丹山斬

男支焯校訂

王三錫

肩昌

子世駿駁子永隆  
女瑞英孫居易居官

孫光啟從弟詩

光裕

肩

周宗文

丕顯

包

鼎

鼎 肅肅子志  
肅肅孫汝楫 子志

汴 父憑

檀芳

子世熙

世杰

鴻達

節

孝

嗣子林芳芳 子漸林  
子文煌 漸子文炯

卷九

爾庚

陳善道

弟王道從弟九疇

秦來

九韶

父治道

馬應圖

祖珂 父師程

王慎德

吳弘濟

統持

學琦珮從弟天泰

王三錫字汝命嘉興人嘉靖癸卯舉人癸丑進士授  
保定府推官以貪酷為民倭犯桐鄉界叅將宗禮軍  
覆於皂林賊首徐海陳東等四面結圍攻城甚急巡  
撫阮鶚邑令金燕趣召士紳嬰城三錫協謀設策散  
千金懸賞格募敢死士夜出劫賊賊製雲梯二座夜

牽其一置城下潛遣人焚之其一傍北水門梯高於城矢石如注城中鎔鐵汁灌之賊墮梯死者甚衆焉  
京因樹軒草有帛明百戶沈東溪詩其序云吾鄉沈東溪公嘉靖間布衣當倭寇日中丞阮公退保吾邑倭圍之急城將下公方奔碁僧舍曰欲倭退何張皇若果是聞者以告阮阮具縑帛致之問所以公曰兵盡矢窮人無寸鐵計惟哀城中釜鎔汁洒城下孰能禦之阮如其言倭退僅獲百戶職榜其間曰全城退寇而已東溪之賊技窮為撞木於船攻東水門三錫與名詩序亦佚  
守城官吏以緡輓其船令不得去乃縛撞而鋸之相持月餘流矢貫髮丸石過脇下不避賊退鶚請破格錄用會鶚移福建旋被劾而三錫之禦寇也與鄉人

約行軍法富者出財貧者抽丁有犯必殺人人懾息  
功成而里中切齒騰謗於朝遂并不得常調子脩昌

脩昌字永叔萬厯辛卯順天中式授思州府推官

陞永赤督稅同知天啟改元奢安據永寧叛衛所多  
降附脩昌度兵寡難拒自誓必死乃刺血草三檄遣  
吏間道上撫按無何城破脩昌縊死賊索印不得焚  
其屍女瑞英孫居易居恒及僕王貴朱氏等一門十  
三人悉被害于世駿以死事聞給祭葬贈光祿卿立  
祠建坊

明史稿附徐朝綱傳作贈僉事崇禎日鈔天啟七年十二月初四日奉旨王脩昌合門死

難忠義可嘉應得葬贈諡蔭立祠建坊俱照張振德  
事例其孫女及家丁遇難亦附祠旁張振德四川興  
文知縣亦死世駿授錦衣千戶卒子永隆襲累官錦  
衣衛指揮僉事

孫光啟字子貽號區吳嘉興人萬歷癸酉舉人癸未  
進士授刑部主事歷員外郎郎中出守惠州龍南妖  
賊王子龍為官軍所獲磔於市既惠州亦有王子龍  
性至孝遇異人畀以黃白術養母不令授人子龍謹  
守師約總督劉繼文豔之遣材官誘譬子龍不可脅  
之曰汝本龍南妖賊漏網而逃殺汝不難也終不為



動繼文乃捕繫之屬先啟按治先啟言王子龍前已  
正法安得復有一人且其居址不合今贛獄中有故  
子龍黨在逮之對鞠易辨也繼文迫之挂冠歸野獲  
督府劉節齊繼文捕子龍至欲驗其術以階前瓦礫  
授之一呵即成紫磨矣劉益心動縻之外舍傳語脅  
之王不聽劉愈恚會人情不協密以手書諭太守孫  
區吳斃之杖下孫不可謝病竟歸惠州通判署和平  
事蔣祀欣然承其旨縊之獄得薦擢去後三年公論  
沸然督府已入為左司農坐此罷未幾卒通判逮至  
擬抵尋遣戍孫起濟南守夫仙以黥化授人弟子能  
誓死守戒當以神術脫之柰何任其非命不一顧也  
劉靈璧人聞已無後孫久之兵科給事中王德完薦  
早世亦無子皆不可曉久之兵科給事中王德完薦  
起延平府不赴再補濟南之官巡按御史謁廟先啟

以色服往藩臬皆訝之光啟曰謁廟禮也方面之體等耳何病耶御史重其氣節不以為嫌遷沂州兵備副使改漳南道就遷本省左叅政卒年五十三從弟詩萬厯己卯應天中式

光裕字子長號瀟湘先啟弟萬厯戊子舉人辛丑進士知建昌慎獄省刑恤孤養士創省會水次倉以便免民永賴之

建邑志有傳

丁憂補固始時稅璫額派固

邑千金商裹足不前光裕出存留穀二千石充之而報免其額行取南山西道御史辛亥京察後行人劉

宗周以言者輒攻東林宋筆筠廊二筆孫少宰退谷  
有書院自張江陵當國始行嚴禁江陵歿後稍稍建  
置一時著名者徽州江右閩中無錫而四東林乃無  
錫書院名也宋楊龜山先生所建後廢為僧寺顧涇  
陽自吏部歸購其地建先生祠同志者相與構精舍  
居焉至甲辰冬始與高忠憲數公開講疏請修正學  
其中立為會約一以白鹿洞規為教

培元氣并言于王立丁元薦二人皆較然不欺其志  
有國士風光裕疏駁之俱不報朝野見聞紀畧湯賓  
生時以制義自負謂得箇中三昧小試必居首選郡  
邑吏號知文者多以大物期之萬歷甲午舉鄉試高  
等次年會試後自得甚出其闡牘示人曰可以榜首  
否榜發果第一而又在名元陶石簣房以為永鉢相  
傳論舉業者遂有會稽宣城之目殿試以第三人入  
詞林質文問業者戶屨相錯也詞林專掌文衡有鄉

試主考會試房考兩席霍林謂鄉試各有本房於主  
考稍疎且必登第方可食報不如春闈分考情切而  
仕速遂為避就計戊戌丁未兩入會簾矣己酉進官  
坊資序應主北闈欲給假避之而未即還任唯國  
學可避而資已過遂曲為設處以諭德掌司業事一  
過秋闈即陞庶子還掌春坊事遂為庚戌領房韓敬  
者字求仲歸安人以貴公子廣交游為湯入室弟子  
深賞其文謂可繼衣鉢是年舉北榜亞魁遂先付之  
擬題文成復為再三改閱期於滿志及入闈自恃才  
名橫行無忌韓卷已入他房被抹搜為首卷其他取  
之各房者半於本房時主司蕭元圃雲舉王衷白圖  
皆詞林前輩王為東林有氣力者欲以禮記房王季  
木象春為元而卒不能勝湯之把持遂勉強從之以  
王居第二心不能平東林主盟于中甫王立與韓兒  
女姻為媒者丁長孺元薦也以前輩名公締姻於太  
學必有所以取之至是不知何以前輩名為下石而長孺  
佐之嘆言路論其平日授受及隔房搜卷事以為闕  
節或云疏成於長孺手而先一日猶欲求仲寓其故

莫能明也時韓殿試復為鼎元湯已陞祭酒攻之者  
章滿公車王公主之於上次年辛亥湯以京察永錮  
而韓亦罷歸終身不振論者謂湯亦憐才一念未必  
有賄賂之事而師弟之交情與聞中之搜卷則其事  
昭彰莫乙卯巡視上江三載遷南光祿少卿卒於官  
能諱也

著廉善堂集子肩

肩字大山國破棄家為僧名通勝築蘭若於城南  
梅溪佛龕講座與浮屠無異能書一時顏額多出其  
手亦藏古人法書名畫精賞鑒年七十餘卒

周宗文字開鴻

一字

嘉善人萬厯庚子舉人丙辰進

士知清江縣拊循疲瘠築隄以捍章貢鈐江諸水邑

素苦盜廉得其魁捕斬以徇餘悉解散戊午充本省  
同考行取貴州道御史時廣寧已失守糾兵部尚書  
張鶴鳴緩師玩寇京師大雨雹疏請扶陽抑陰惓惓  
以君子小人消長之道為言不報議紅丸歸獄方從  
哲李可灼崔文昇忤崔呈秀以艱歸例轉湖廣僉事  
崇禎改元起尚寶卿請卹死節諸臣糾李永祚等附  
璫引疾歸再起光祿少卿久之廷議用為京尹為柄  
國者所抑復引疾歸宗文秉性仁厚而有特立之槩  
同邑魏大中死獄中為經營其家事武進何士晉名

在黨籍其二子來奔以姪女妻之周卹備至有子宸  
藻宸藻字質菴順治戊子舉人乙未進士選庶吉士  
宸藻從弟振瑗順治戊子舉人康熙甲辰進士安  
邑知縣

丕顯字知微號西玄宗文弟從天啟辛酉舉人性  
愛禪寂與學佛者游七上公車不第甲申三月抱微  
疾召邑中同年曹勲陳龍正及從兄宗文謂之曰國  
家將有大故期且不遠余不及見也諸君好為之有  
頃逝卒十餘日國破

包鼎字汝調嘉興人天順壬午舉人成化戊戌與弟

鼎同登進士鼎授南主客主事陞本司郎中改武庫  
出知池州府年未至桂冠歸

明史稿稱為治清簡早歲乞休為鄉里所重

鼎與呂憲同為知府沈琮壻器識相埒至是又同歸  
老結伴為山水游觴詠無間七子志太學生志二子  
節孝入籍華亭鼎弟鼎字汝和成化戊子舉人戊戌  
進士知碭山縣在事九年召拜御史為忌者論罷鼎  
諸生鼎子憲嘉靖中桃源訓導遷清平教諭鼎曾孫  
汝楫字公剡萬厯己酉舉人海寧教諭知綏寧縣繕  
城立廨修學舍增築黉宮終高唐知州著牂牁草闌



言游紀南中紀聞諸書

汴字元京父憑字信之鼎少子也諸生崇信釋氏鼎在池州憑附書至啟之則左思招隱詩也鼎遂歸汴嘉靖乙卯以鄉貢舉順天鄉試己未成進士授南刑部河南司主事歷江西司員外雲南司郎中出為湖廣僉事調四川叅議致仕子禔芳

禔芳字子柳號瑞溪乙卯父舉順天禔芳舉本省試鄉丙辰先父成進士授魏縣知縣下車旌孝義興學校遷刑部湖廣司主事歷四川司員外郎郎中改

禮部歷精膳主客儀制三司郎中出督貴州學政外  
計拾遺降一級未幾又以在部事降通州分司判官  
焯按永陵編年嘉靖甲子順天鄉試瑞溪為同初至  
考中錢與映為言者所劾其降也得毋以是歟初至  
值海潮大作時范隄自石港至馬塘歲久傾圯潮暴  
入溺死人畜無算程芳行勘以為屢年修築皆自新  
隄直接舊隄然各竈煎燒蕩產在隄外者十七八必  
自彭家口至石港迂迴十五六里為利始普特費稍  
多顧築隄本以衛民築之無益雖尺寸當惜不然即  
范隄百四十里不少靳何憚十餘里哉於是運司申

其議遂築外隄隄成沿海居民德之為立祠且名包  
公隄以比范隄云覲志揚州量移邵武府同知罷歸子  
世熙嘗以夢知父年止六十乃請於神願減己年益  
父算未幾暴下卒祭酒馮夢禎作包孝子傳紀之裡  
芳年六十三卒次子世杰

世杰字羽明萬曆壬午舉人乞恩永康教諭俗多  
溺女婢至老死不得嫁世杰多方開譬其風少殺金  
府志陞泗州知州盜殺縉紳左某縉之不獲禱於城  
隍神夢遺以蓮花乃悉錄其家人鞠之有婢名夏蓮

者一訊即伏子鴻達

鴻達字振瑞號儀甫萬厯己酉順天解元有文名  
庚戌舉進士知湘潭縣歲饑曲為賑濟全活甚衆更  
建倉積穀以備患湘潭困於馬政及解運之役鴻達  
力振刷之有治潭紀事錄重修湘潭志壬子乙卯兩  
充本省同考行取兵科給事中未赴卒於官長沙府志稱其  
才性敏慧奏刀書然暇與名人巨公詩文往復今有  
傳公遺事者當時雖犬桑麻恍若桃源忘世真一仙  
吏也所集紀事錄綱舉條  
晰無利不滋無害不去

節字元達號蒙泉父志贅華亭楊氏遂居焉節少

穎慧五歲喪父哀籲如成人事母孝謹嘉靖戊子中  
應天鄉試壬辰成進士第孝亦相繼登第初任東昌  
府推官善斷獄數語立辨召拜御史入臺即劾兵部  
尚書張璫貪穢出按閩滇皆以直著其在滇也滇人  
錢士賢前任福建僉事為節劾罷及按部士賢率衆  
道辱之節以聞士賢坐戍時仕者以滇地荒遠憚不  
欲往因設告就遠方之法節言此曹志甘投荒非年  
迫衰遲即家貧急祿志在為己豈在恤民滇中長吏  
所以多不得人也請自今以附近選人充之而州縣

佐貳姑用此曹庶吏治可舉吏部請以節言概行於  
雲貴兩廣制可以疾歸起故官再按湖廣顯陵守備  
中官廖斌擅威福荼毒三楚節庶其不法事欲抗疏  
劾之語泄斌候節日羣官謁陵上膳遽使撤去宣言  
節麾出之鍾祥民王憲告斌黨訖奸豪周章等節命  
指揮黃恩邵勛收章下同知范昕驗問杖章死斌益  
怒遂奏節不以正旦謁陵次日始謁當進膳不旁立  
褻慢大不敬奏已入節始奏斌前事上大怒以節先  
得罪陵寢而外沽直聲逮獄論死徐階為之營救不

可得方士陶仲文方貴幸階往仲文所長跪請之仲  
文為力言得免死予杖謫戍莊浪衛戎服行間不以  
逐臣自貴戍十二年間母訃窮晝夜號痛又五年弟  
孝卒哭盜悲曰誰代我奉烝嘗者竟得疾卒於戍所  
年五十一遺命以衰經殮歸葬明史稿有傳弟孝附有臺中稿  
皇中稿釋疑錄廿一史意鈔通考意鈔西戍北逮錄  
詩苑類選靜志居詩話侍御悅研風雅以文苑英華  
詩可續昭明文選體編成詩苑類選三十  
卷亦稱好事其所作大約取材於是西公張氏惜其  
立志太銳任事太勇嫉惡太嚴為讒者所中才與命  
妨志與時違隆慶改元大臣追理其寃贈光祿少卿  
故所就止是

節為人剛介天植以彊直獲罪死萬里外朝野痛之  
分省人物考其卒也棺殮之費皆出西寧兵備大梁孟淮云

孝字元愛號吳石嘉靖辛卯應天舉人乙未進士  
授中書舍人尋補南河南道御史督稅下關摘發如  
神巡視下江歲大饑請修德以弭天變蠲租以甦民  
困辛丑會試劾主考禮部尚書溫仁和房考編修嵇  
世臣以賄中進士徐履祥陳志潘仲驤且言庶子童  
承敘嗜酒左贊善郭希顏輕險編修袁煒放浪俱不  
堪典試上雖概置不問人皆憚之又疏劾嚴嵩不法



事將得罪適上禱玄夢中似聞人有愛惜人材語明日書上帝手批云包孝是人材免究舉朝莫測其意奉敕巡城以兄節遣戍乞歸養孝兄弟分居南北臺並著風采又皆有至性母亡哀毀骨立未終喪卒年四十六子漸林能畫授制敕房中書遷司經局正字累加至太僕卿漸林子文炯亦授中書加大理評事孝舉子晚漸林未生以汴長子林芳為嗣林芳官河南布政司都事子文煌不仕文煌子爾庚

爾庚字長明號宜壑崇禎丙子舉人丁丑進士知

羅定州壬午充本省同考國破削髮為僧終身不入  
城市爾庚文名滿天下一時進取者多步趨之有直  
木居詩文集

陳善道字敬夫平湖人嘉靖庚子舉人知德安縣繩  
豪惡以法通判廬州終松江府同知弟王道由靖江  
丞知湘鄉縣從子九疇嘉靖辛酉舉人昌平州學正  
遷知平鄉縣量移保定府通判終上石西知州

秦來字伯符號員嶠善道孫年十八中萬曆丙子

舉人丁丑進士乞假歸娶

靜志居詩話員嶠年十八  
舉於鄉十九釋褐歸娶賜

內府金花燈籠知平湖事劉抑亭贈以對聯云還朝  
秋進士聯春進士大登科後小登科鄉里榮之  
丐閒改順天府教授轉國子博士遷精膳主事張居  
正當國守正不阿久不調乙酉與言路齟齬引疾歸  
明史稿南京禮部郎中馬應圖奏來同邑又同年生  
也十三年上疏譏切執政又力詆給事中齊世臣御  
史龔懋賢蔡系周孫愈賢吳定而盛稱吳中行趙用  
賢沈思孝李植諸人忤旨給事中王致祥御史柴祥  
等希執政指復連章劾應圖且言奏來為點起補儀  
定奏章帝以應圖既貶不問奏來卒引疾歸起補儀  
制主事時有三王並封之命與光祿少卿徐傑署丞  
王學曾郎中于孔兼疏爭傑學曾為民復偕同官面  
詰閣臣王錫爵於朝房退復忼慨上書以箴其失還

祠祭員外癸巳京察吏部尚書孫鑰考功郎趙南星  
秉公考覈不闕白政府忤閣臣王錫爵為刑科給事  
中劉道隆論劾南星鑄級鑰乞休泰來抗疏申救明  
稿孫鑰傳萬曆二十一年大計京朝官鑰力杜請謁  
一時公論所不予者貶斥殆盡執政皆不悅會言官  
以拾遺論劾稽勲員外郎虞陞厚方郎中楊于廷  
主事表黃鑰議謫黃留淳熙于廷詔黃方贊畫軍務  
亦留之給事中劉道隆遂言淳熙于廷不當議留乃  
下嚴旨責部臣專權結黨鑰疏辨奪俸貶考功郎趙  
南星三官淳熙等俱勒罷鑰遂乞休於是僉都御史  
王汝訓右通政魏允貞大理少卿曹乾亨郎中于孔  
兼員外郎陳泰來主事顧允成張納陸賈岩  
助教薛敷教交章訟南星寃而泰來辭尤切曰臣嘗  
四更京察其在丁丑張居正以奪情故用御史朱璉

謀僭星變計吏箝制衆口署部事方逢時考功郎中  
劉世亨依違其間如蔡文範習孔教輩並挂察籍不  
為衆所服卒已居正威福已成王國光唯諾惟謹考  
功郎孫惟清與吏科秦耀謀盡銅建言諸臣吳中行  
等今輔臣趙志皋張位撫臣趙世卿亦名挂南北京  
察公論寃之丁亥御史王國力折給事中楊廷相同  
官馬允登之邪議而尚書楊巍素性模稜考功郎徐  
一橫立調停之畫涇渭失辨亦為時議所譏獨今春  
之役旁咨博採覈實稱情邪詒盡屏貪墨必汰乃至

鑕割渭陽之情南星忍秦晉之好公正無踰此者元  
輔錫爵兼程赴召人或疑其欲干察典今其親故皆  
不能訖欲甘心南星久矣故道隆章上而專權結黨  
之旨旋下夫以吏部議留一二庶僚為結黨則兩都  
大僚被拾遺者二十有二人而閣臣議留者六詹事  
劉虞夔以錫爵門生而留獨可謂之非黨耶且部權  
歸閣自高拱兼攝以來已非一日尚書自張瀚嚴清  
而外選郎自孫鑛陳有年而外莫不奔走承命其流  
及於楊魏至劉希孟謝廷寀而掃地盡矣尚書宋鱣

稍欲振之則為故輔申時行齟齬以死尚書陸光祖  
文選郎王教考功郎鄒觀光矢志澄清輔臣王家屏  
虛懷以聽銓敘漸清乃時行身雖還里機伏垣墻授  
意內璫張誠田義及言路私人教觀光遂不久斥逐  
今祖其故智借拾遺以激聖怒是內璫與閣臣表裏  
箝勒部臣而陛下未之察也今日南星去而王顯仁  
蓋國士馮養志之徒進彼皆以貨取者也將來必挈  
權以阿閣臣而後不為專權必植黨以附閣臣而後  
不為結黨乎疏入上怒謫饒平典史乃令吏部不得

朦朧推遷左都御史李世達請宥不許過家疾作遂  
不赴官甫一歲卒年三十六熹廟改元追理建言國  
本諸臣贈光祿少卿

明史稿附  
于孔魚傳

九韶字宗舜善道第治道于萬厯己卯舉人己丑  
進士授刑部主事厯虞衡郎中出知廣信府爭開礦  
力抗中人潘相卒寢不行就陞饒九道僉事遷湖廣  
叅政不赴歸

馬應圖字心易號廓菴平湖人祖珂嘉靖間連山教  
謝父師程諸生應圖隆慶庚午舉人萬厯丁丑進士



授行人遷刑部湖廣司主事乞閒改南精膳主事厯  
員外郎郎中乙酉以疏救趙用賢劾科道孫愈賢齊  
世臣龔懋賢蔡系周吳定等朋比阿徇并及首輔降  
馬邑典史移知封邱縣仍陞刑部山西司主事引年  
歸卒野獲編時太倉相公新出山知馬疏所由遂因  
論時事及之謂年來翕訛成風乃有市井儉邪  
千人所指如馬某者亦得借建言之名以述考察其  
辭甚峻時去大計尚年餘至丁亥春南察終不及則  
以馬疏先被處也馬故狷者偶與甥李見亭太史自  
華子有違言太倉惑於其甥之言逢人吐罵故馬抗  
疏求謫王後當國復應圖在官廉潔不苟其改南時  
馬故官亦無成心云榜其堂曰臣節冰霜苦君恩歲月閒仕宦數十年食

不重味居家日釜炊不繼西山日記一隣人微周之  
白之當道其人以白金四笏置白案中以饋見金大  
驚并白祭亦不受焚餘稿廊菴故宦裔為諸生已  
赤貧性不近阿堵居官居鄉囊中不能私一文自守  
令至監司撫按重其品時有餉饋未嘗不受間啟之  
居間營生產則事繼母孝聘妻有癘疾或勸別娶不  
去之若寃矣

聽光廟立贈光祿少卿

明史稿附  
于孔兼傳

王慎德字允明嘉善人萬曆己卯舉人庚辰進士知  
萬安有能聲行取廣東道御史出按廣東事竣復按  
四川與平楊應龍之亂上功將遷值並封事起疏請  
建儲甚力忤旨罷光廟立慎德已卒追贈光祿少卿

吳弘濟字汝楫號海洲秀水人萬厯己卯舉人丙戌  
進士授蒲圻知縣入為湖廣道御史連劾福建巡撫  
司汝濟大理卿吳定戎政侍郎郝杰薊遼總督顧養  
謙不納三王並封詔下言者皆獲罪弘濟再疏力爭  
語甚切至議旋寢野獲編或云太倉自省覲來京路  
上多疑猜未肯遽立有識者以並封三王為妥太倉  
問趙定字云何諸云趙正有此議諸乃太倉丙戌門  
人信之抵京問趙少宰趙曰不獨我也僉言以為然  
趙始與王隙尋已講解不虞其非誠言迨糾彈叢集  
始大悔趙亦特疏救正太倉乃悟二人有意給之業  
為所誤隱忍不發至秋而有吳鎮告許賴婚之事說  
者又謂王相主之兩公皆巡視十庫尋奉命巡關將  
當世偉人終不敢信其然

報竣適太倉御史吳之彥之子鎮訐趙用賢悔姻事

戶部郎鄭材楊應宿陰主鎮趙用賢辨疏畧云臣於

之彥亦任中書知臣第三女始生之彥同鄉齡親言

及姻事臣未敢輕諾之彥又央臣已故表兄先祿署

丞錢樵中苦口相勸當具二幣羹果相遺嗣後往來

亦泊如也至萬曆六年十月臣以星變言事斥為民

之彥方任御史出按福建還里臣兩登其堂僅報臣

一刺後又操舟送於蘇州待四日不得一見復至無

錫之黃阜城倚舟相邀自辰至酉方得一接辭色甚

厲是日適大風起臣舟小震蕩之彥作不寧狀遽別

去臣心微不平而莫知其故次日之彥發舟臣亦欲

往訪同年吳中行舟小行疾之彥望見臣舟遣人來

言昨已相別何為又送且踐蹟不便不須再乘等語

臣始大駭比還家錢樵中又親往太倉探聽具道之

彥出京時見王蒙篆言爾不應與趙檢討相近若相

公知之禍且不測故之彥欲絕臣是年御史劉臺謫

死廣西臣危懼甚遠抵書其父文炳并前幣封還文  
炳受而不報此萬歷九年事也十二年冬臣復起官  
之彥時為武定道僉事臣行至德州地方之彥始具  
書悔罪有天地無棄物聖人重絕人等語并幣金二  
十金折程五兩視昔有加臣隨報書言前告已詳經  
久不蒙下答今忽見賢起官復有此書恐親親之義  
必不如如此且已吐之核豈復登几俎此則臣惡其反  
覆正言絕之也自是絕迹不相通又踰年臣以贊善  
奉命封鄭府還家有同鄉養病叅議蔣夢龍求臣女  
配其次子蔣鏡十六年正月出嫁經今已歷五年生  
女二人一四歲一兩歲矣使臣果行人高攀龍上書  
貪財負約之彥何不早言之耶

為用賢訟於朝且語侵政府奏嚴旨廷訊弘濟與李  
世達安希范孫繼有譚一召等上言攀龍為君子其  
論正應宿為小人其論邪不宜令小人得志君子引

身上怒坐以黨護貶二秩調外臺省交章訟之上益  
怒皆奪俸弘濟竟削籍明史稿吳之彥過里門不為  
婢子也以激用賢楊應宿鄭材二人嘗欲出用賢門  
下為所鄙絕者也錫爵上議曰用賢輕絕之彥緩發  
均失也今趙女已嫁難問初盟吳男未婚無容反卒  
坐欲折其中宜聽用賢引疾而曲宥之彥詔從之卒  
於家棟林黨人天啟改元追論國本功贈光祿少卿  
明史稿附孫統持  
安希范傳

統持字巨手國破棄諸生賣卜自給一時名流多  
以高士稱之統持笑曰貧而賣卜豈敢言高卒年四  
十八著有危齋集明月樓集統持妻項名珮字吹聆

同郡項元濂少女有才名所居止齋竹樹幽絕日吟  
誦其中甘貧偕隱有藕花樓詩集靜志居詩話處士  
有大宅在北郭之  
秋涇得吹聆為佳耦琴瑟靜好詩篇酬和甚樂也遭  
亂家破轉徙無定蹟糠粃不飽未嘗聞交謫之言所  
題止齋取方廣曾前字以為曲園鄉人題詠統持從  
者紛紛唯吹聆詩俱從楚夾中出極其熨貼

弟天泰字謚生鄉貢有星帶草堂集